

Ко Святой Великомученице Параскеве.

1. Радостным сердцем возвысим глас,  
Страстотерпицу чтуще в сей час,  
Параскевие, красная лилие,  
Чистая девице, райска ластовице,  
Моли Бога о нас.
2. Всякие муки ты терпела,  
Егда нечестие обличила  
Злых человеков, неверных языков;  
За тое от Бога красного чертога,  
Венцем украшена.
3. Жених венча тя Возлюбленный,  
Твоими страстьми быв почтенный  
Христос Спаситель, мира Искупитель,  
Сыном Чистой Девы быти восхотевый  
Во спасение всем.
4. За имя Его тя мучаху,  
Раны наложше, востираху;  
Биша бичами, палиша свещами  
Святую девицу, купно же в темницу  
Ввергли избиенну.
5. Христос немощну исцеляет,  
Ангела светла посылает,  
Иже всечестна орудия крестна  
Дает целовати, до конца страдати  
Тебе укрепляет.
6. Отсюду крепость взят обильну,  
Попрати врагов зло безсильно:  
В силе десницы падают божницы  
Ибо сокрушила, во прах обратила  
Неверных идола.
7. Тем вси прилежно бежим к тебе,  
Можешь предстати всякой нужде,  
Горе стоящи, и доброту зряще  
Жениха ти Христа, якоже невеста  
Его возлюбленна.
8. Проси нам дати мирна лета,  
Внегда же преидем с сего света,  
Творца узрети и тебе славити  
Христомученицу, о нас молебницу,  
Теплу ко Господу.